

賈子次詁

賈子卷第三 內篇三

正定王耕心次詁

孽產子第十五

民賣產子得爲之繡衣編經履偏諸緣入之閑中是古者天子后之服也后之所曰廟而不曰燕也而眾庶得曰衣孽妾白縠之表薄紉之裏縫曰偏諸美者黼繡是古者天子之服也今富人大賈召客者得曰被牆古者曰天下奉一帝一后而節適今富人大賈屋壁得爲帝服賈婦優倡下賤產子得爲后飾然而天下不屈者殆未有也且帝之身白衣阜綈而靡賈

侈貴牆得被繡后呂緣其領孽妾呂緣其履此臣之  
所謂踳也且試觀事理夫百人作之不能衣一人也  
欲天下之無寒胡可得也一人耕之十人聚而食之  
欲天下之無飢胡可得也飢寒切於民之肌膚欲其  
無爲姦邪盜賊不可得也國已素屈矣姦邪盜賊特  
須時爾歲適不爲如雲而起耳夫鎔此而有安上者  
殆未有也今也平居則無此施不敬而素寬有故必  
困然而獻計者類曰無動爲大耳夫無動而可呂振  
天下之敗者何等也悲夫俗至不敬也至無等也至  
冒其上也進計者猶曰無爲可爲長大息者此也

時變弟十六

秦國失理天下大敗眾掠寡智欺愚勇劫懼壯凌衰  
天下亂至矣是呂大賢起之威振海內德從天下曩  
之爲秦者今轉而爲漢矣今者何如進取之時去矣  
并兼之勢過矣胡呂孝弟循順爲善書而爲吏耳胡  
呂行義禮節爲家富而出官耳驕恥偏而爲祭尊黥  
劓者攘臂而爲政行惟狗彘也苟家富財足隱机盱  
視而爲天子耳惟告罪昆弟欺突伯父逆於父母虐  
然錢財多也衣服循也車馬嚴也走犬良也矯誣而  
家美盜賊而財多何傷欲交吾擇貴寵者而交之欲

執擇吏權者而使之取婦嫁子非有權執吾不與婚  
姻非貴有戚不與兄弟非富大家不與出入因何也  
今俗侈靡目出倫踰等相驕目富過其事相競今世  
貴空爵而賤良俗靡而尊姦富民不爲姦而貧爲里  
侮廉吏釋官而歸爲邑笑居官敢行姦而富爲賢吏  
家處者犯法爲利爲材士故兄勸其弟父勸其子則  
俗之邪至於此矣商君違禮義弃倫理并心於進取  
行之二歲秦俗日敗秦人有子家富子壯則出分家  
貧子壯則出贅假父耨鉏杖彗耳慮有德色矣母取  
瓢碗箕帚慮立諄語抱哺其子與公併踞婦姑不相

說則反脣而睨其慈子嗜利而輕簡父母也念罪非  
有倫理也其不同禽獸勸焉耳然猶并心而赴時者  
曰功成而敗義耳歷六國兼天下求得矣然不知反  
廉恥之節仁義之厚信并兼之法遂進取之業凡十  
三歲而社稷爲墟不知守成之數得之之術也悲夫  
俗激第十七

大臣之俗特曰牘書不報小期會不荅耳曰爲大故  
不可矣天下之大指舉之而激俗流失世壞敗矣因  
恬弗知怪大故也如刀筆之吏務在筐箱而不知大  
體陛下又弗自憂故如此哉管子曰四維一曰禮二

曰義三曰廉四曰醜四維不張國迺滅亡使管子愚  
無識人也則可使管子而少知治體則是豈不可爲  
寒心哉今世曰侈靡相競而上無制度弃禮義捐廉  
醜日甚可謂月異而歲不同矣逐利虐否耳慮非顧  
行也今其甚者到大父矣賊大母矣裸嫗矣刺兄矣  
盜者慮探柱下之金掇寢戶之簾撻兩廟之器白晝  
大都之中剽吏而奪之金矯僞者出幾十萬石粟賦  
六百餘萬錢乘傳而行諸侯此其無行義之尤至者  
已其餘猖蹶而趨之者乃豕羊驅而往是類管子謂  
四維不張者與竊爲陛下惜之曰臣之意吏慮不動

於耳目爲是時適然耳夫移風易俗使天下移心而嚮道類非俗吏之所能爲也陛下又不自憂竊爲陛下惜之夫立君臣等上下使父子有禮六親有紀此非天之所爲人之所設也夫人之所設弗爲不立不植則僵不修則壞秦滅四維不張故君臣乖而相攘上下亂僭而無差父子六親殃僇而失其宜姦人竝起萬民離畔凡十三歲而社稷爲墟今四維猶未備也故姦人冀幸而眾下疑惑矣豈如今定經制令主主臣臣上下有差父子六親各得其宜姦人無所冀幸羣眾信上而不疑惑哉此業一定世世常安而



後有所持循矣若夫經制不定是猶渡江河無維楫  
中流而遇風波也船必覆矣悲夫備不豫具之也可  
不察慮

保傅第十八

殷爲天子二十餘世而周受之周爲天子三十餘世  
而秦受之秦爲天子二世而亡人性非甚相遠也何  
殷周之君有道之長而秦無道之暴也其故可知也  
古之王者太子初生固舉呂禮使士負之有司齋肅  
端冕見之南郊見于天也過闕則下過廟則趨孝子  
之道也故自爲赤子而教固已行矣昔者周成王幼

在襁褓之中召公爲太保周公爲太傅太公爲太師  
保保其身體傅傅之德義師道之教訓三公之職也  
於是爲置三少皆上大夫也曰少保少傅少師是與  
太子燕者也故孩提有識三公三少固明孝仁禮義  
目道習之逐去邪人不使見惡行於是皆選天下之  
端士孝悌博聞有道術者呂衛翼之使與太子居處  
出入故太子初生而見正事聞正言行正道左右前  
後皆正人也習與正人居之不能無正也猶生長於  
齊之不能不齊言也習與不正人居之不能無不正  
也猶生長於楚之不能不楚言也故擇其所嗜必先

受業乃得嘗之擇其所樂必先有習乃得爲之孔子  
曰少成若天性習貫如自然是殷周之所曰長有道  
也及太子少長知好色則入於學學者所學之官也  
學禮曰帝入東學上親而貴仁則親疏有序而恩相  
及矣帝入南學上齒而貴信則長幼有差而民不誣  
矣帝入西學上賢而貴德則聖智在位而功不遺矣  
帝入北學上貴而尊爵則貴賤有等而下不踰矣帝  
入太學承師問道退習而考於太傅太傅罰其不則  
而匡其不及則德智長而治道得矣此五學者旣成  
於上則百姓黎民化輯於下矣學成治就是殷周所

呂長有道也及太子旣冠成人免於保傅之嚴則有  
司直之史有虧膳之宰天子有過史必書之史之義  
不得書過則死過書而宰收其膳宰之義不得收膳  
則死於是進善之旌有誹謗之木有敢諫之鼓瞽  
史誦詩工誦箴諫大夫進謀士傳民語習與智長故  
切而不愧化與心成故中道若性是殷周之所呂長  
有道也三代之禮天子春朝朝日秋暮夕月所呂明  
有敬也春秋入學坐國老執醬而親饋之所呂明有  
孝也行呂鬱和步中采薺趨中肆夏所呂明有度也  
其於禽獸也見其生不忍其死聞其聲不嘗其肉故

遠庖廚所呂長恩且明有仁也食呂禮徹呂樂失度  
則史書之工誦之三公進而讀之宰夫減其膳是天  
子不得爲非也明堂之位曰篤仁而好學多聞而順  
道天子疑則問應而不窮者謂之道道者道天子呂  
道者也常立於前是周公也誠立而敢斷輔善而相  
義者謂之輔輔者輔天子之意者也常立於左是太  
公也潔廉而切直匡過而諫邪者謂之拂拂者拂天  
子之過者也常立於右是召公也博聞彊記捷給而  
善對者謂之承承者承天子之遺忘者也常立於後  
是史佚也故成王中立聽朝則四聖維之是呂慮無

失計而舉無過事殷周之所曰長久者其輔翼太子  
有此具也及秦而不然其俗固非貴辭讓也所上者  
告訐也固非貴禮義也所上者刑罰也使趙高傅胡  
亥而教之獄所習者非斬剗人則夷人之三族也故  
今日卽位明日射人忠諫者謂之誹謗深爲之計者  
謂之妖言其視殺人若艾艸菅然豈胡亥之性惡哉  
其所曰習道之者非理故也鄙諺曰不習爲吏視已  
成事又曰前車覆後車戒夫殷周之所曰長久者其  
已事可知也然而不能從是不法聖智也秦之亟絕  
者其軌迹可見也然而不避是後車又覆也夫存亡

之故治亂之機其要在是矣天下之命懸於太子太子之善在於蚤諭教與選左右心未濫而先諭教則化易成也夫開於道術智義之旨則教之功也若其服習積貫則左右而已矣夫胡越之人生而同聲嗜慾不異及其長而成俗也累數譯而不能相通行有雖死而不相爲者則教習然也臣故曰選左右蚤諭教最急夫教得而左右正則太子正矣太子正而天下定矣書曰一人有慶兆民賴之此時務也

階級第十九

人主之尊辟無異堂陛陛九級者堂高大幾六尺矣

若堂無陛級者堂高殆不過尺矣天子如堂羣臣如  
陛眾庶如地此其辟也故堂之上廉遠地則堂高近  
地則堂卑高者難攀卑者易陵理執然也故古者聖  
王制爲列等內有公卿大夫士外有公侯伯子男然  
後有官師小吏施及庶人等級分明而天子加焉故  
其尊不可及也鄙諺曰欲投鼠而忌器此善喻也鼠  
近於器尙憚而弗投恐傷器也況虜貴大臣之近於  
主上虜廉醜禮節曰治君子故有賜死而無戮辱是  
曰係縛榜笞髡剔黥劓之罪不及士大夫曰其離主  
上不遠也禮不敢齒君之路馬蹴其芻者有罪見君



之几杖則起遭君之乘輿則下入正門則趨君之寵  
臣雖或有過刑戮不加其身尊君之執也此所曰爲  
主上豫遠不敬也所曰體貌羣臣而厲其節也今自  
王侯三公之貴皆天子之改容而禮也古天子之所  
謂伯父伯舅也今與眾庶徒隸同黥劓髡笞僞弃  
市之法然則堂不亡陛虜被戮辱者不太迫虜廉恥  
不行也大臣無乃握重權大官而有徒隸無恥之心  
虜夫望夷之事二世見當曰重法者投鼠而不可器  
之習也臣聞之曰履雖鮮弗曰加枕冠雖敝弗曰直  
履夫嘗曰在貴寵之位天子改容而嘗體貌之矣吏

民嘗俯伏曰敬畏之矣今而有過令廢之可也退之可也賜之死可也若夫束縛之係繼之輸之司空編之徒官司寇牢正徒長小吏罵詈而榜笞之殆非所曰令眾庶見也夫卑賤者習知尊貴者之事一旦吾亦乃可曰加也非所曰習天下也非尊尊貴貴之化也夫天子之所嘗敬眾庶之所嘗寵死而死爾賤人安宜得如此而頓辱之哉豫讓事中之君智伯伐中行滅之豫讓移事智伯及趙滅智伯豫讓豎面變容吸炭變聲必報襄子五起而弗中襄子一夕而五易臥人問豫讓讓曰中行眾人畜我我故眾人事之

智伯國士遇我故爲之國士用故此一豫讓也反君  
事讐行若狗彘已而折節致忠行出乎烈士人主使  
然也故人主遇其大臣如遇犬馬彼將犬馬自爲也  
如遇官徒彼將官徒自爲也頑頓無恥隳苟無節廉  
恥不立則且不自好則苟若而可見利則趨見便則  
奪主上有敗因而擊之矣主上有患則吾苟免而已  
立而觀之耳有便吾身者則欺賣而利之耳人主將  
何便於此羣下至眾而主至少也所託財器職業者  
率於羣下也但無恥但苟安則主最病故古者禮不  
及庶人刑不至君子所曰厲寵臣之節也古者大臣

有坐不廉而廢者不謂曰不廉曰簠簋不飾坐污穢  
男女無別者不謂污穢曰帷薄不修坐罷輓不勝任  
者不謂罷輓曰下官不職故貴大臣定有其罪矣猶  
未斥然正曰呼之也尙遷就而爲之諱也故其在大  
譴大訶之域者聞譴訶則白冠鰲纓盤水加劔造清  
室而請其罪爾上弗使執縛係引而行也其中罪者  
聞命而自弛上不使人頸盤而加也其有大罪者聞  
命則北面再拜跪而自裁上不使人捽抑而刑也曰  
子大夫自有過耳吾遇子有禮矣遇之有禮故羣臣  
自喜厲曰廉恥故人務節行上設廉恥禮義曰遇其

臣而羣臣不曰節行而報其上者卽非人類也故化成俗定則爲人臣者主醜亡身國醜忘家公醜忘私利不苟就害不苟去唯義所在主上之化也故父兄之臣誠死宗廟法度之臣誠死社稷輔翼之臣誠死君上守衛捍蔽之臣誠死城郭封境故曰聖人有金城者比物此志也彼且爲我死故吾得與之俱生彼且爲我亡故吾得與之俱存夫將爲我危故吾得與之皆安顧行而忘利守節而服義故可曰託不御之權可曰託五尺之孤此厲廉恥行禮義之所致也主上何喪焉此之不爲而顧彼之行故曰可爲長大息

者也

校詁三

孽產子弟十五舊弟躋也盧氏曰躋與舛同歲適不為盧氏

為不成也見春秋繁露又續漢律厯志如雲而起耳

注引易緯有雜稻不為麥不為之語勝撫此盧氏

也十二字丁先生曰為妄竄是也今刪鏐此鏐于北海鏐章閭反郭注猶隄埽也是則今人之所

鏐于北海鏐章閭反郭注猶隄埽也是則今人之所際耳此施盧氏曰此與柴同時變弟十六舊弟壯凌

衰諸侯設詔而有攻擊奪者為賢貴人善突盜者為析

丁先生謂何隙妄竄是也今者何如愚按此下一節

俞氏強為之說誤今刪今者何如盧氏謂與上文

不相承接疑妄竄所致是也今俗至相競盧本此三

今呂義尙可取姑仍原文今俗至相競句有倒衍

俞氏訂如文里侮說當如文是也今改正俗激弟

十七舊弟故如此哉然席於無廉醜行義非循也豈

爲人子背其父爲人臣固忠於君哉豈爲人弟欺其

兄爲人下固信其上哉陛下雖有權柄事業將何寄

之六十字丁先生曰何隙妄竄不成語卽賈子之文

亦當刪除無論決非原文矣愚按先生說是也今刪

慮非顧行俞氏曰慮猶蹀盧氏曰蹀當幾十萬石

盧本十作拾云與十通丁先生曰潭本作十保傅弟

是也盧氏必捨正文別取通假謬矣今改正

十八舊弟三知好色盧氏曰知好色語乃約其年歲

知好色曰有妻子曰仕皆謂其年少壯所當值也宋

儒譏賈子知好色下語未了宜極言防閑之道不當

便接則入於學由不知當曰語意故爾輕誚潭本从

漢書作知如色愚按今與外篇各仍原文呂備參考

并見外篇陳司直之史盧氏曰司直別本作記過虧

治安大計疏

膳之宰

盧氏曰虧別本作微潭本譌作勸

過書至其膳

盧本無過書二字注曰大

戴禮有之是也今補正

順道

盧本作道順太平御覽引如文是也今改正別本順作慎大戴禮同

敢斷

盧氏曰建潭本作敦今改正別本順作輔天子之意

盧氏曰大戴禮同

志不習至成事

盧本為吏作為史視已成事作而視已事潭本如文漢書同大戴禮史亦

作吏而作如愚按潭本漢書皆是也今改正吏非史史非吏不容殺也而視已事語尤晦昧大戴之如亦

聲近

後車戒

盧本後上有而字潭本無是也今刪

存亡之故

盧本故作反說曰別

之誤

本作變與漢書大戴同沈本

階級弟十九

舊弟十六

司空

盧氏曰司空掌城旦鬼薪之事役使罪人為之漢書百官公卿表宗正屬官有都司空令丞如

淳曰律司空主水及罪人即引賈誼此語別本從漢書作司寇非也愚按盧說不必然別見外篇陳治安

大計

隼苟無節

愚按隼音奚上胡禮切詳見外篇陳治安大計疏

造清至罪



爾盧氏曰清音才性反蘇林曰音潔清胡公漢官車  
漢書請室亦有作清室者建本新書正作清室知蘇  
言非謬矣三輔黃圖作靜室潭本作造請其罪耳非  
自弛俞氏說弛讀爲緩詳見羣臣自喜盧氏曰喜讀  
喜外篇陳治安大計疏主醜至忘私盧氏曰建本作醜諸  
本皆作爾漢書作耳

賈子卷第三竟

正定通惠王氏校葉版  
存泰州寓宅龍樹精舍

賈子卷第四 內篇四

正定王耕心次詒

鑄錢第二十

法使天下公得顧租鑄錢敢雜呂鉛鐵爲他巧者其罪黥然鑄錢之情非殺鉛鐵及石雜銅也不可得贏而殺之甚微其利甚厚名曰顧租公鑄法也而實皆黥罪也有法若此上將何賴焉夫事有召禍而法有起姦今令細民操造幣之執各隱屏其家而鑄作因欲禁其厚利微姦雖黥罪日報其執不止爲民設阱孰積於是曩禁鑄錢死罪積下今公鑄錢黥罪積下

雖少異虐末具也民方陷溺上且弗救虐且世民用錢縣異而郡不同或用輕錢百加若干或用重錢平稱不受法錢不立吏急而一之虐則大煩苛而民弗任且力不能而執不可施縱而弗苛虐則郡縣異而市肆不同小大異用錢文大亂夫苟非其術則何嚮而可哉夫農事不爲而采銅日蕃釋其耒耨冶鎔鑪炭姦錢日繁正錢日亡善人忧而爲姦邪愿民陷而之刑僇黥罪繁積吏民且日闕矣將甚不祥奈何而忽國知患此吏議必曰禁之禁之不得其術其傷必大何曰圉之令禁鑄錢錢必還重四錢之粟必還二

錢耳重則盜鑄錢如雲而起則弃市之罪又不足已  
禁矣姦不勝而法禁數潰難言已

銅布第二十一

銅布於下爲天下菑何呂言之銅布於下則民鑄錢  
者大抵必雜石鉛鐵焉黥罪日繁此一禍也銅布於  
下僞錢無止錢用不信民愈相疑此二禍也銅布於  
下采銅者棄其田疇家鑄者損其農事穀不爲則鄰  
於飢此三禍也故不禁鑄錢則錢常亂黥罪日積是  
陷阱也且農事不爲有疑爲菑故民鑄錢不可不禁  
上禁鑄錢必曰死罪鑄錢者禁則錢必還重錢重則

盜鑄錢者起則死罪又復積矣銅使之然也故銅布於下其禍博矣今博禍可除七福可致何謂七福上收銅勿令布下則民不鑄錢黥罪不積一銅不布下則僞錢不繁民不相疑二銅不布下不得采銅不得鑄錢則民反耕田矣三銅不布下畢歸於上上挾銅積呂御輕重錢輕則呂術斂之錢重則呂術散之則錢必治貨物必平矣四挾銅之積呂鑄兵器呂假貴臣小大多少各有制度呂別貴賤呂差上下則等級明矣五挾銅之積呂臨萬貨呂調盈虛呂收畸羨則官必富而末民困矣六挾銅之積制吾弃財呂與匈

奴逐爭其民則敵必壞矣七此之謂七福故善爲天下者因禍而爲福轉敗而爲功今願退七福而行博禍可爲長大息者此其一也

淮難弟二十二

竊恐陛下接王淮南王子曾不與如臣者孰計之也淮南王之悖逆亡道陛下爲頓顙謝罪皇太后之前淮南王曾不誚讓敷留之罪無加身者舍人橫制等室之門追而赦之吏會不得捕王人於天子國橫行不辜而無譴乃賜美人多載黃金而歸侯邑之在其國者畢徙之他所陛下於淮南王不可謂薄矣然而

淮南王天子之法咫尺促而弗用也皇帝之令咫尺  
傾而不行天下孰不知天子選功臣有職者呂爲之  
相吏王慟不踏蹴而逐耳無不稱病而走者天下孰  
弗知日接持怨言呂誹謗陛下之爲皇太后之餽賜  
逆拒而不受天子使者奉詔而弗得見僵臥呂發詔  
書天下孰不知聚罪人奇狡少年通棧奇之徒啟章  
之等而謀爲東帝天下孰弗知淮南王罪已明陛下  
赦其死罪解之嚴道其人自病死陛下何負天下大  
愾孰能呂王之死爲不當陛下無負也如是咫尺淮  
南王罪人之身也淮南子罪人之子也奉尊罪人之子

適足呂負謗於天下耳且世人不呂肉爲心則已若  
呂肉爲心人之心可知也今淮南子少壯聞父辱狀  
是立咫尺泣洽衿臥咫尺泣交項腸至腰肘如繆維耳豈  
能須臾忘哉是而不如是非人也陛下制天下之命  
而淮南王至如此極其子舍陛下而更安所歸其怨  
爾特曰執未便事未發含亂而不敢言若誠其心豈  
能忘陛下哉白公勝所爲父報仇者報大父與諸伯  
父叔父也令尹子西司馬子綦皆親羣父也無不盡  
傷昔者白公之爲亂也非欲取國代王也爲發憤快  
志爾故挾匕首以衝仇人之匈要與俱靡而已耳固



非冀生也今淮南土雖小黥布嘗用之矣漢存特幸耳夫擅仇人足目危漢之資於策安便雖割而爲四四子一心也豫讓爲智伯報趙襄子五起而不取者無他資力少也子胥之報楚也有吳之眾也白公成亂也有白公之眾也闔閭富然故使專諸刺吳王僚燕太子丹富然故使荆軻殺秦王政今陛下將尊不億之人與之眾積之財此非有白公子胥之報於廣都之中者卽疑有專諸荆軻起兩柱之間此所謂假賊兵爲虎翼者願陛下少留意計之

益壤弟二十三

陛下卽不爲千載之治安如今之勢不過一傳再傳  
諸侯猶且人恣而不制豪橫而大強漢法令不可得  
行矣今淮陽之比大諸侯勸過黑子之比於面耳豈  
足呂爲楚御哉而陛下所恃呂爲藩捍者呂代淮陽  
耳代北邊與彊匈奴爲鄰勸自完足矣唯皇太子之  
所恃者亦呂之二國耳今淮陽之所有適足呂餌大  
國耳方今制在陛下制國命子適足呂餌大國豈可  
謂工哉人主之行異布衣布衣者飾小行競小廉呂  
自託於鄉黨邑里人主者天下安社稷固不耳高皇  
帝瓜分天下呂王功臣反者如蝟毛而起高皇帝呂

爲不可剽去不義諸侯空其國擇良日立諸子洛陽  
上東門之外諸子畢王而天下乃安故大人者不怵  
小廉不牽小行故立大便曰成大功今淮南地遠者  
或數千里越兩諸侯而縣屬於漢其苦之甚矣其欲  
有卒也類良有所至逋走而歸諸侯殆不少矣此終  
非可久曰爲奉地也陛下豈如蚤便其執且令他人  
守郡豈如令子臣之愚計願陛下舉淮南之地曰益  
淮陽梁卽有後割淮陽北邊二三列城與東郡曰益  
梁卽無後患代可徙而都睢陽梁起新鄭曰北著之  
河淮陽包陳曰南撻之江則大諸侯之有異心者破

膽而不敢謀如臣計梁足呂捍齊趙淮陽足呂禁吳  
楚則陛下高枕而臥終無山東之憂矣臣竊呂爲此  
二世之利也若使淮南久縣屬漢特呂資姦人耳惟  
陛下幸少留意

屬遠弟二十四

天子都長安而呂淮南東南邊爲奉地彌道數千不  
輕輸致郡或乃越諸侯而有免侯之地於遠方調均  
發徵又且必同大國包小國爲境小國廓大國爲都  
小大駁蹀遠近無衰天子諸侯封畔之無經也至無  
狀也呂藩國資彊敵呂列侯餌篡夫至不得也陛下

柰何久不正此古者天子地方千里中之而爲都輸  
將繇使其遠者不出五百里而至公侯地百里中之  
而爲都輸將繇使遠者不出五十里而至輸將者不  
苦其勞繇使者不傷其費故遠方人安其居士民皆  
驩樂其上此天下之所呂長久也及秦而不然秦不  
能分尺寸之地欲盡自有之耳輸將起海上而來一  
錢之賦耳十錢之費弗輕能致也上之所得者甚少  
而民毒苦之甚深故陳勝一動而天下振今漢越兩  
諸侯之中分乃呂廬江爲奉地雖秦之遠邊過此不  
遠矣令此不輸將不奉主非奉地義也尙安用此而

久縣其心哉若令此如奉地之義是復秦之迹也竊  
目爲不便夫淮南竄民貧鄉也繇使長安者自悉目  
補中道衣敝錢用之費稱此夫行數千里絕諸侯之  
地而縣屬漢其執終不可久其苦屬漢而欲王類至  
甚也逋遁而歸諸侯者類不少矣陛下不如蚤定毋  
呂資姦人

權重弟二十五

諸侯執足呂專制力足呂行逆雖令冠處女勿謂無  
敢執不足呂專制力不足呂行逆雖生夏育有仇讎  
之怨猶之無傷也然天下當今怙然者遇諸侯之俱

少也後不至數歲諸侯偕冠陛下且見之矣夫秦日夜深惟苦心竭力以除六國之憂今陛下力制天下頤指如意而故成六國之禍難言智矣苟身常無意但爲禍未在所制也亂媒日長孰視而不定萬年之後傳之老母弱子使曹勃不能制可謂仁虐

### 無蓄弟二十六

禹有十年之蓄故免九年之水湯有十年之積故勝七歲之旱夫蓄積者天下之大命也苟粟多而財有餘何嚮而不濟以攻則取以守則固以戰則勝懷柔附遠何招而不至管子曰倉廩實知禮節衣食足知

榮辱民非足也而可治之者自古及今未之嘗聞古人曰一夫不耕或爲之飢一婦不織或爲之寒生之有時而用之無節則物力必屈古之爲天下者至悉也故其蓄積足恃今背本而曰末食者甚眾是天下之大殘也從生之害者甚盛是天下之大賊也殘賊公行莫之或止大命泛敗莫之振救生之者甚少而靡之者甚眾天下之執何曰不危漢之爲漢幾四十年歲矣公私之積猶可哀痛也故失時不雨民且狼顧矣歲惡不入請賣爵鬻子旣或聞耳矣安有爲天下阡危若此而上不驚者世之有饑荒天下之常也禹



湯被之矣卽不幸有方二三千之旱國何呂相恤卒然邊境有急數十百萬之眾國何呂餽之矣兵旱相乘天下大屈勇力者聚徒而橫擊罷夫羸老易子孫而較其骨政法未畢通也遠方之疑者竝舉而爭起矣爲人上者乃試而圖之豈將有及虜可呂爲富安天下而直呂爲此廩廩也竊爲陛下惜之

憂民弟二十七

王者之法民三年耕而餘一年之食九年而餘三年之食三十歲而民有十年之蓄故禹水九年湯旱七年甚也野無青艸而民無飢色道無乞人歲復之後

猶禁陳耕古之爲天下誠有具也王者之法國無九年之蓄謂之不足無六年之蓄謂之急無三年之蓄曰國非其國也今漢興三十年矣而天下愈屈食至寡也上弗自憂將曰誰輸五歲小康十歲一凶三十歲而一大康蓋曰大數也卽不幸有方二三千之旱天下何呂相救卒然邊境有數十萬之衆聚天下將何呂饋之矣兵旱相承民填溝壑剽盜攻擊者興繼而起中國失救外敵必駭一日而及此之必然魄然事困乃驚而督下曰此天也可奈何事旣無如之何及方今始秋時可善爲陛下少閒可使臣從丞相

御史計之

校詁四

鑄錢第二十

舊弟三十二

而法至言已

盧本無難言已三字舊本有丁先生

言當補之呂完文

銅布弟二十一

舊弟

淮難弟二十

氣是也今訂如文

二舊弟敷留

盧氏曰敷留未詳

等室

疑是靜室即前階級篇

之清咫蹂促

盧氏曰此篇多呂咫

嚴道

盧本作金道云當作嚴愚

室也按作嚴是也

今改正此下更有目為

於天下耳

盧本

之神四字

盧云衍文亦是也今刪

有無解細於前事六字

期此與說苑同

俱靡

盧本句上有固為二字

然故

盧本兩然故皆與字今據注說訂如文

如文是也今改

止然故屢見禮記少儀篇管子任法篇荀子大略篇韓子難篇三說見王氏引之經傳釋

詞又此節文當曰閭閻富燕太子丹富不億俞氏說

為句兩然故皆屬下句讀均俞氏說不億俞氏說

不逞也見襄二十四年左氏傳盧氏曰不億為不靖疏矣專諸至之間諸與史記

吳越春秋同左傳作鱗設諸漢書作刺諸盧本此句

下更有其策安便哉五字丁先生曰為衍文是也今

刪益壤弟二十三舊弟如今至大強盧本如作知不

有哉字強下有也字恩按知乃形近之誤餘皆妄竄

蓋意在故為異同曰示古耳今刪訂如文盧氏知其

妄而因循豪橫而大強盧本此下有至其相與特曰

不革非也先生曰伺隙妄勤過盧氏曰勤與僅同建社稷固不

耳盧本此下有故黃帝者炎帝之兄也炎帝無道黃

下乃治三十六字愚按數語蓋仿制不定篇妄竄且

意在導上目多殺諸侯昆弟誣賈子亦甚矣今刪

縣屬於漢愚按盧本此下亦多妄竄而不敢謀盧本

而語不可斷姑仍原文

有今所恃者代淮陽二國耳皇太子亦恃之十屬遠  
六字丁先生曰屢複上文妄竄可嗤是也今刪

第二十四

舊弟二

天子至正此

此節凡百七字盧本

當合下文屬遠

不出

盧本出作在注謂當如

天下振

篇是也今移正

文是也

今改正

下仿此

盧本作不振俞氏曰

中道衣敝

盧本中上有行字

為衍文是也今刪正

有行勝已贏四字敝下有矣字句下復有彊提荷弊

衣而至慮非假貸自詣非有目所聞也履蹻不數易

不足目至二十八字丁先生曰賈子原文僅四字此

碎其句讀妄竄不可曉語呂示古爾盧氏明知其妄  
而不加芟蕪尤不錢用至稱此  
盧本此下有苦甚竊  
可曉是也今刪正  
呂所聞縣令丞相歸  
休者慮非甚強也不見得從者二十三字丁先生曰  
無理取鬧決出妄竄即賈子自作此等語亦宜陶汰  
是也今終不可久  
盧本此下有漢往者家號泣而送  
刪正  
終不可久  
之其來繇使者家號泣而遣之俱  
不相欲也三十五字丁先  
權重弟二十五  
舊弟不能  
生呂為妄竄是也今刪

制盧本能作監別本無蓄弟二十六舊弟三大賊也

盧本此下有汰流淫溢侈靡之俗日呂長是天憂民

弟二十七舊弟二三十年矣盧氏曰三十食至寡也

盧本此下有陛下不省耶未獲年富人不貸貧民且

飢天時不收請賣爵鬻子既或聞耳曩頃不雨令人

寒心壹雨爾慮若更生天下無蓄若此甚極也其在

王法謂之何必須困至乃慮窮至乃圖不亦晚序然

則所謂國無人者何謂也有天下而欲其安者豈不

在於陛下者哉百一字丁先生曰妄竄不成語且複

無蓄篇盧知其妄而不將曰誰輸盧本輸作偷俞氏

艾謬已是也今刪正其假借此之必然盧本此下有且用

之說殊謬今所不取此之必然盧本此下有且用

爲人上弗自憂十五字丁先生曰妄竄不成語且複

上文此下魄然事困至篇末皆然惜文義難駐不能

悉加艾薙耳愚按先生說

是也今姑刪此十五字

賈子卷第四竟

正定通惠王氏校宋版  
存泰州寓宅龍樹精舍

賈子卷第五 內篇五

正定王耕心次詒

審微第二十八

善不可謂小而無益不善不可謂小而無傷非曰小  
善爲一足曰利天下小不善爲一足曰亂國家也當  
夫輕始而傲微則其流必至於大亂也是故子民者  
謹焉彼人也登高則望臨深則窺人之性非窺且望  
也執使然也夫事有逐姦執有召禍老聃曰爲之於  
未有治之於未亂管仲曰備患於未形上也智禁於  
微次也事之適亂如地形之惑人也機漸而往俄而



東西易面人不自知也故墨子見衢路而哭之悲一  
跬而繆千里也昔者衛侯朝於周周行人問其名荅  
曰衛侯辟疆周行人還之曰啟疆辟疆天子之號也  
諸侯弗得用衛侯更其名曰燬然後受之故善守上  
下之分者雖空名弗使踰焉古者周禮天子葬用隧  
諸侯縣下周襄王出逃伯鬬晉文公率師誅賊定周  
國之亂復襄王之位於是襄王賞呂南陽之地文公  
辭南陽卽死得呂隧下襄王弗聽曰周國雖微未之  
或代也天子用隧伯父用隧是二天子也呂地爲少  
余請益之文公乃退禮天子之樂宮縣諸侯之樂軒

縣大夫直縣士有琴瑟叔孫于奚者衛之大夫也曲  
縣者衛君之樂體也繁纓者君之駕飾也齊人攻衛  
叔孫于奚率師逆之大敗齊師衛於是賞呂溫叔孫  
于奚辭溫而請曲縣繁纓呂朝衛君許之孔子聞之  
曰惜乎不如多與之邑夫樂者所呂載國國者所呂  
載君彼樂亡而禮從之禮亡而政從之政亡而國從  
之國亡而君從之惜乎不如多予之邑宓子治亶父  
於是齊人攻魯道亶父始父老請曰麥已孰矣今迫  
齊寇民人出自艾傅郭者歸可呂益食且不資寇三  
請宓子弗聽俄而麥畢資乎齊寇季孫聞之怒使人

讓宓子曰豈不可哀哉民乎寒耕熱耘曾弗得食也  
弗知猶可聞或曰告而夫子弗聽宓子蹴然曰今年  
無麥明年可樹令不耕者得穫是樂有寇也且一歲  
之麥於魯不加彊喪之不加弱令民有自取之心其  
創必數年不息季孫聞之慙曰使宓可入吾豈忍見  
宓子哉故明者之感姦由也蚤其除亂媒也遠故邪  
不前達

服疑第二十九

衣服疑者是謂爭先澤厚疑者是謂爭賞權力疑者  
是謂爭彊等級無限是謂爭尊彼人者近則冀幸疑

則比爭是曰等級分明則下不得疑權力絕尤則臣  
無冀志故天子之於其下也加五等已往則曰爲臣  
臣之於下也加五等已往則曰爲僕僕亦臣禮也然  
稱僕不敢稱臣者尊天子避嫌疑也制服之道取至  
適至和曰予民至美至神進之帝奇服文章曰等上  
下而差貴賤是曰高下異則名號異則權力異則事  
執異則旗章異則符瑞異則禮寵異則秩祿異則冠  
履異則衣帶異則環佩異則車馬異則妻妾異則澤  
厚異則宮室異則牀席異則器皿異則飲食異則祭  
祀異則死喪異故高則此品周高下則此品周下加

人者品此臨之埤人者品此承之遷則品此者進絀  
則品此者損貴周豐賤周謙貴賤有級服位有等等  
級既設各處其檢人循其度擅退則讓上僭則誅建  
法目習之設官目牧之是目天下見其服而知貴賤  
望其章而知執位孝人定其心各著其目故眾多而  
天下不眩傳遠而天下識祇尊卑已著上下已分則  
人倫法矣於是主之與臣若日之與星臣不幾可目  
疑主賤不幾可目冒貴下不凌等則上位尊臣不踰  
級則主位安謹守倫紀則亂無由生

等齊第三十

諸侯王所在之宮衛織履躡夷曰皇帝所在宮法論之郎中謁者受謁取告曰官皇帝之法予之事諸侯王或不廉潔平端曰事皇帝之法罪之曰一用漢法事諸侯王乃事皇帝也是則諸侯王乃埒至尊也然則天子之與諸侯宜撰然齊等若是乎天子之相號爲丞相黃金之印諸侯之相號爲丞相黃金之印而尊無異等秩加二千石之上天子列卿秩二千石諸侯列卿秩二千石則臣已同矣人主登臣而尊今臣旣同則法惡得不齊天子衛御號爲大僕銀印秩二千石諸侯之御號曰大僕銀印秩二千石則御已齊

矣御旣已齊則車飾惡得不齊天子親號云太后諸侯親號云太后天子妃號曰后諸侯妃號曰后然則諸侯何損而天子何加焉妻旣已同則夫何呂異天子宮門曰司馬闌入者爲城旦諸侯宮門曰司馬闌入者爲城旦殿門俱爲殿門闌入之罪亦俱弃市宮牆門衛同其嚴一等罪已鈞矣天子之言曰令令甲令乙是也諸侯之言曰令令儀令言是也天子卑號皆稱陛下諸侯卑號皆稱陛下天子車曰乘輿諸侯車曰乘輿乘輿等也然則所謂主者安居臣者安在人之情不異面目狀貌同類貴賤之別非天根著

於形容也所恃曰別貴賤明尊卑者等級執力衣服號令也亂且不息滑曼無紀天理則同人事無別然則所謂臣主者非有相臨之具尊卑之經也特面形而異之耳近習乎形貌然後能識則疏遠無所放眾庶無目期則下惡能不疑其上君臣同倫異等同服則上惡能不眩其下孔子曰長民者衣服不貳從容有常曰齊其民民德則一詩云彼都人士狐裘黃裳行歸于周萬民之望孔子曰爲上可望而知也爲下可類而志也則君不疑於其臣而臣不惑於其君此之不行而沐瀆無界可爲長大息者此也



瑰瑋第三十一

天下有瑰政於此子民而民愈貧衣民而民愈寒使民樂而民愈苦使民智而民愈不知避縣網甚可瑰也今有瑋術於此奪民而民益富也不衣民而民益煖苦民而民益樂使民愈愚而民愈不罹縣網陛下無意少聽其數虐夫雕文刻鏤周用之物繁多纖微苦蠹之器日變而起民弃完堅而務雕鏤纖巧日相競高作之宜一日今十日不輕能成用之宜一歲今半歲而敝作之費日用之易敝挾巧不耕而多食農人之食是天下之所曰困貧而不足也故曰末予民

民大貧曰本予民民大富黼黻文繡纂組害女工且夫百人作之不能衣一人方且萬里不輕能具天下之力執安得不寒世曰俗侈相耀人慕其所不如悚迫於俗願其所未至曰相競高而上非有制度也今雖刑餘鬻妾下賤衣服得過諸侯擬天子是使天下公得冒主而夫人務侈也冒主務侈則天下寒而衣服不足矣故曰文繡衣民而民愈寒曰褫民民必煖而有布帛之饒矣夫奇巧末技商販游食之民形佚樂而心縣愆志苟得而行淫侈則用不足而蓄積少矣卽遇凶旱必先困窮迫身則苦飢甚焉今毆民而

歸之農皆著於本則天下各食於力末技游食之民  
轉而緣南畝則民安性勸業而無縣愆之心無苟得  
之志行恭儉蓄積而人樂其所矣故曰苦民而民益  
樂也世淫侈矣飾智巧以相詐利者爲智士敢犯法  
禁昧大姦者爲識理故邪人務而日起姦詐繁而不  
可止罪人積下眾多而無時已君臣相冒上下無辦  
此生於無制度也今去淫侈之俗行節儉之術使車  
輿有度衣服器械各有制數制數已定故君臣絕尤  
而上下分明矣擅退則讓上僭者誅故淫侈不得生  
智巧詐謀無爲起姦邪盜賊自爲止則民離罪遠矣

智巧詐謀不起所謂愚故曰使愚而民愈不罹縣網  
壹通弟三十二

所爲建武關函谷臨晉關者大抵爲備山東諸侯也  
天子之制在陛下今大諸侯多其力因建關而備之  
若秦時之備六國也豈若定地執使無可備之患因  
行兼愛無私之道罷關一通天下無呂區區獨有關  
中者所爲禁游宦諸侯及無得出馬關者豈不曰諸  
侯得眾則權益重其國眾車騎則力益多故明爲之  
法無資諸侯於臣之計疏山東孽諸侯不令似一家  
者其精於此矣豈若一定地制令諸侯之民人騎二

馬不足曰爲患益曰萬夫不足曰爲害今不定大理  
數起禁不服人心害兼覆之義不便

匈奴第三十三

竊料匈奴控弦大率六萬騎五口而出介卒一人五  
六三十此卽戶口三十萬耳未及漢千石大縣也而  
敢歲言侵盜屢欲亢禮妨害帝義甚非道也陛下何  
不使能者一試理此將爲陛下曰耀蟬之術振之爲  
此立一官置一吏曰主匈奴誠能此者雖曰千石居  
之可也陛下肯聽其事計令中國日治匈奴日危大  
國大富匈奴適亡叱犬馬行理執然也將必曰匈奴

之眾爲漢臣民制之令千家而爲一國列處之塞外  
自隴西延至遼東各有分地呂衛邊使備月氏灌竄  
之變皆屬之直郡然後罷戍休邊民天下之兵帝之  
威德內行外信四方悅服則愚臣之志快矣不然帝  
威不遂心與嘿嘿竊聞匈奴當今遂羸此其示武昧  
利之時也而隆義渠東胡諸國又頗來降呂臣之愚  
匈奴且動疑將一材而出奇厚贄呂責漢不大興不  
已旁午走急數十萬之眾積於北方天下安得食而  
饋之臨事而重困則難爲工矣陛下何不蚤圖建國  
者曰匈奴不敬辭言不順負其眾庶時爲寇盜撓邊

境擾中國數行不義爲我狡猾爲此柰何對曰臣聞  
彊國戰智王者戰義帝者戰德故湯祝網而漢陰降  
舜舞干羽而南蠻服今漢帝中國也宜呂厚德懷服  
四夷舉明義博示遠方則舟車之所至人力之所及  
莫不爲畜又孰敢忤然不承帝意臣爲陛下建三表  
設五餌呂此與單于爭其民則下匈奴猶振槁也夫  
無道之人何宜敢捍此其久陛下肯幸用臣之計臣  
且呂事執諭天子之言使匈奴大眾之信陛下也爲  
通言耳必行而弗義夢中許人覺且不背其信陛下  
已諾若日出之灼灼故聞君一言雖有微遠其志不

疑仇讐之人其心不殆若此則信諭矣所圖莫不行  
矣一表臣又且曰事執諭陛下之愛令匈奴之自視  
也苟胡面而戎狀者其自曰爲見愛於天子也猶弱  
子之還慈母也若此則愛諭矣一表臣又且諭陛下  
之好令胡人之自視也苟其技之所長與其所工一  
可曰當天子之意若此則好諭矣一表愛人之狀好  
人之技仁道也信爲大操帝義也愛好有實已諾可  
期十死一生彼必將至此謂三表凡賞於國者此不  
可曰均賞均則國寡而賞薄不足曰動人故善賞者  
蹕之駁轢之從而時厚之令視之足見也誦之足語



也乃可傾一國之心陛下幸聽臣之計匈奴之來者  
家長已上固必衣繡少者必衣文錦將爲銀車五乘  
大雕畫之駕四馬載綠蓋從數騎御驂乘且雖單于  
之出入也不輕都此矣令匈奴降者時時得此而賜  
之耳一國聞之者見之者希心而相告人人冀幸曰  
爲吾至亦可曰得此將曰壞其目一餌匈奴之使至  
者若大降者大眾之所聚也上必有所召賜食焉飯  
物故四五盛美馘臄具醯醢方數尺於前令一人坐  
此胡人欲觀者固百數在旁得賜者之喜也且笑且  
飯味皆所嗜而所未嘗得也令來者時時得此而饗

之耳一國聞之者見之者垂淚而相告人悚憚其所  
自曰吾至亦將得此將曰此壞其口一餌降者之傑  
也若使者至也上必使人有所召客焉令得召其知  
識胡人之欲觀者勿禁令婦人傅白墨黑繡衣而侍  
其堂者二三十人或薄或揜爲其胡戲曰相飯上使  
樂府幸假之具樂吹簫鼓鞀倒挈面者更進舞者蹈  
者時作少閒擊鼓舞其偶人昔時乃爲戎樂攜手胥  
彊上客之後婦人先後扶持之者固十餘人使降者  
時或得此而樂之耳一國聞之者見之者希肝相告  
人人悒悒惟恐其後來至也將曰此壞其耳一餌凡

降者陛下之所召幸若所旨約致也陛下必時有所  
官必令此有高堂邃宇善廚處大囿京廐有編馬庫  
有陣車奴婢諸嬰兒畜生具令此時大具召胡客饗  
胡使上幸令官助之具假之樂令此其居處樂虞囿  
京之畜皆過其故土慮出其單于或時時賜此而爲  
家耳匈奴一國傾心而冀人人恆恆惟恐其後來至  
也將以此壞其腹一餌於來降者上必時時有所召  
幸拊循而後得入官夫胡大人難親也若上於胡嬰  
兒及貴人子好可愛者上必召幸大數十人爲此繡  
衣好閑且出則從居則更侍上卽饗胡人也大穀抵

也客胡使也力士武士固近侍傍胡嬰兒得近侍側胡貴人更進得佐酒前上乃幸自御此薄使付酒錢時人偶之爲閒則出繡衣具帶服賓餘時目賜之上卽幸拊胡嬰兒擣適之戲弄之乃授炙幸自啗之出好衣閑且自爲籟之上起胡嬰兒或前或後胡貴人旣得奉酒出則服衣佩綬貴人而立於前令數人得此而居耳一國聞者見者希盱而欲人人汲汲惟恐其後來至也將目此壞其心一餌故牽其耳牽其目牽其口牽其腹四者已牽又引其心安得不來下胡抑抔也此謂五餌若夫大變之應大約目權決塞因

宜而行不可豫形尊翁主重相室多其長吏眾門大  
夫皆謀士也必足之財且用吾人且用其尊觀其限  
窺其謀中外符節適構拘也夫或人且安得久悍若  
此故三表已諭五餌既明則匈奴之中乖而相疑矣  
使單于寢不聊寐食不甘口揮劍挾弓而蹲穹廬之  
隅左視右視目爲盡仇也彼其羣臣雖欲毋走若虎  
在後眾欲無來恐或擗之此謂執然其貴人之見單  
于猶迂虎狼也其南面而歸漢也猶弱子之慕慈母  
也其眾之見將吏猶噩迂仇讐也南鄉而欲走漢猶  
水流下也將使單于無臣之使無民之守夫惡得不

係頸頓顙請歸陛下之義哉此謂戰德彼匈奴見略  
且引眾而遠去連此有數夫關市者固匈奴所犯滑  
而深求也願上遣使厚與之和呂不得已許之大市  
使者反因於要險之所多爲鑿開眾而延之關吏卒  
使臣曰自守大每一關屠沽者賣飯食者美臠炙炙  
者每物各一二百人則胡人著於長城下矣是王將  
疆北之必攻其王矣呂匈奴之飢飯羹啗臠炙噍  
多飲酒此則亡竭可立待也賜大而愈飢多財而愈  
困漢者所希心而慕也則匈奴貴人呂其千人至者  
顯其二三呂其萬人至者顯其十餘人夫顯榮者招

民之機也故遠期五歲近期三年之內匈奴亡矣此  
謂德勝或曰建三表明五餌盛資翁主禽敵國而后  
止費至多也惡得財用而足之對曰請無敢費御府  
銖金尺帛然而臣有餘資問曰何曰對曰國有二族  
方亂天下甚於匈奴之爲邊患也使上下踳逆天下  
竅貧盜賊罪人蓄積無已此二族爲祟也上去二族  
弗使亂國天下殆富矣臣賜二族使崇匈奴過足言  
者或曰天子下臨人民憲之曰苟或非天子民尙豈  
天子也詩曰普天之下莫非王土率土之濱莫非王  
臣王者天子也苟舟車之所至人迹之所及雖蠻夷

戎狄孰非天子之所哉而憺渠頗率天子之民曰不聽天子則憺渠大罪也今天子自為懷其民天子之理也豈下臨人之民哉

校詁五

審微第二十八

舊弟十五

備患至上也

盧本此下有語曰焔焔弗滅炎炎柰

何萌芽不伐且折斧柯十八字盧衛侯至曰燬盧本

氏丁先生皆曰為妄竄是也今刪燬兩行

下無人字問其名下無荅字燬作燬皆誤周襄至伯

史記集解衛世家引此如文是也今改正周襄至伯

闕俞氏曰周襄王出居於鄭左傳曰為避大直縣盧

曰直當作特叔孫于奚盧氏曰左傳治盧氏曰

或本是植字

叔孫于奚

盧氏曰艾劉

服疑

弟二十九

舊弟是

甫音善

艾傳郭者

盧氏曰艾劉

服疑

弟二十九

舊弟是



呂高下異

盧氏訂異字句絕是此品周高齊也或作

同非今按周

卑人者

盧氏曰卑與卑

擅退則讓

盧氏

責讓

而知執位

盧本作知其執別本執下有位字愚

別有

孝人定其心

盧氏曰孝古使字李匡又資暇云

說非

行李是行使案舊文使字作孝山

臣不幾

盧氏曰幾讀

下人人下子云云建本謬作季

此等齊弟三十

舊弟 呂皇帝所在

譚本作使今據李說定作季

臣不幾

與翼同下仿

譚本是也

然則至諸侯

盧本此下有臣之與下

登臣

今改正

而尊

盧氏曰登當如左傳各

令儀令言

寶典解孔晃注俞氏謂明吉府本作

可類而志

盧氏曰類

別本作述或校者呂緇衣之文易之今

一依本書引詩亦然

是也今仍原文 瑰瑋弟三十

一舊弟用之宜一歲盧本作用一歲俞氏增挾巧不

耕盧本挾巧二字誤衍在上方且萬里盧氏曰萬是

使至侈也顏師古曰公謂顯然為之也杜壹通弟三

十二舊弟二所為至關者盧氏曰秦南有武關秦昭

谷臨晉關為盧本作謂非也今改匈奴弟三十三舊

正俞說必捨正文用通假亦非匈奴弟三十三弟

犬馬行也盧本吐作吒注謂當作吐是灌嵐之變盧氏

歲疑當作嵐渾縣名在朔方郡一說嵐示武昧利俞

乃瓜字之譌灌瓜即退讓篇所云者日昧利氏曰紛

贊昧利不顧師古曰昧貪也怫然盧氏曰紛與紛

黃帝仁道也盧本仁作人下無也字顏師古漢書賈

篇子本傳注引此如文是也今補正俞氏

仍作人謂人仁國竅盧氏曰踔之也猶言踐踏也先  
 古通用殊謬使失所望而後曰恩加之彼必大喜  
 過望矣此即高祖之所呂待英布也聽臣之計本  
 此下有則臣有餘財五字若大降者也禮記內則篇  
 注曰爲衍文是也今刪父母有婢子若庶子庶孫與此若同義美哉  
 下文若使若至也若所呂約致也竝同美哉  
 下有炙肉二字俞氏曰二字衍文也  
 文炙从肉从火此變从火爲从責則呂義而兼聲矣  
 詳見諸子平議垂澹  
 者是也今刪正垂澹  
 曰禍福未定是也徐憚  
 曰曰吾至亦將得此也盧氏據誤本淮南倒其文且  
 據鄙語讀爲傳白墨黑  
 貪圖非也粉白黛黑也  
 但俞氏訂如文且曰具謂器具倒挈  
 樂謂鼓樂非一事是也今改正倒挈  
 面者盧氏曰面  
 假面也舞其偶人  
 偃師戲也昔時  
 昔時盧氏曰  
 昔夜也昔夜也

希盱

盧氏曰喜悅貌

恆恆

與盧氏曰恆恆與急急同

時有所官

盧本官作富建本如

文俞氏曰作富非是

文是也今改正

說見諸子平議

古皆過其故土

盧本

土作

王俞氏訂如

文慮

出至家耳

慮氏疑文有誤俞氏曰

是也今改正

慮出其單于或六字為

句或讀為城說

文戈部或邦也从口从戈

守一

地也重文域曰或又從土是或本域之正字也

出其

或者出其單于之邦域也慮與無慮同猶大氏也

言大氏出其單于之邦域也

時賜此而為家也

大

穀抵

慮氏曰穀抵

至此薄

慮氏曰中庸仁者人也鄭讀如相人偶之

人偶猶俗語所謂我們文言所謂吾輩吾黨皆引人

同已視人如我之辭近世解此迄

賓餘

史記匈奴傳

無定說盧氏曰為相慰問非也

之比余餘余同聲通假之文賓比一聲之轉也詳見

諸子平議愚按史記索隱曰漢書作比疏比音鼻小

顏云辨髮之飾也

目金為之比疏擣適

盧氏曰擣適

即後世篋梳字特目金飾為異耳

猶騰倒也

三

二

一

三

二

一

二

三

四

五

六

七

八

九

十

十一

十二

十三

十四

十五

十六

十七

十八

抑抐盧氏曰抐隕也言降下胡人如隕構拘盧氏曰

載構字案白樂天詩鳥目能言構龜緣入夢烹構為

構結木為構結恐或漸之盧本漸作軒俞氏訂如文

議大每一關俞氏曰大猶臙炙盧氏曰臙房著於長

城盧氏曰著曄曄字書無考大盧氏曰

曄渠盧氏曰毛詩鄭箋云曄騎也

賈子卷第五竟

正定通直王氏校梁版  
存秦州寓宅龍樹精舍